

3

CAROLI MARIÆ ROSINII

EPISCOPI PUTEOLANI


PHILOSOPHUS

COMEDIA

E MANUSCRIPTIS ERUTA
MENDIS PURGATA METRICIS

PER SALVATOREM PISANUM-VERDINUM

REGIE ACADEMIÆ
ARCHAEOLOGIA LITTERARUM ET FELCHERANÆ ARTIUM SOCIUM ORDINARIUM
S. THEOLOGICÆ ET PHILOSOPHIÆ DOCTOREM
ETC. ETC.



NEAPOLI

TYPIS FIBRENIANIS

MDCCLXXI

PERSONÆ

PHILOCLEON, senex paterfamilias.

BDELYCLEON, filius ejus.

SOSIA, servus.

NICARCHUS, philosophus.

STRATILAX, servus ejus.

DISCIPULI ALIQUOT, ex quibus PAMPHILUS verba facit.

CHARINTUS, quidam adolescens.

CLITIPHO, Philocleontis vetus hospes.

PROLOGUS⁷⁾

Advenio apud vos, Spectatores, Prologus;
Salutem primum plurimam a nostro grege
Est aequum nunciare; tum, quod fabulae
Sit argumentum nostrae, breviter proloqui.
Bdelycleon Philocleontis filius patris
Nimia indulgentia, servique Sosiae
Opera, dolisque suffultus, liberrimam
Agebat vitam, exosus litteras, equis
Abutens tantum, et curribus cum aequalibus.
Pertaesus tandem pater insano filii
Luxu consilium a servo prudens postulat;
Qui paedagogo committendum censuit,
Ut Sophiae studio mores componat suos.
Nicarchi ludum, qui nuper devenerat
Athenis, facile legit Urbis pro gloria.
Verum Philocleontis hospes Clitipho
Adveniens forte mores, atque dogmata
Evulgat prava; hinc ludus non sine strepitu
Dissolvitur; Nicarchus pro merito habitus.
Hoc argumentum fabulae, quae *Philosophus*
Denominata inale mulctato de Viro.

⁷⁾ Scripsit *Pitaneus*, recitat *Pamphitus*.

PHILOSOPHUS

ACTUS PRIMUS

SCENA PRIMA

Canctave

PHILOCLEON.

Phil. Heu, heu! quidnam istuc est ¹⁾? non luciscit hodie?
Æternum hoc noctis est? diu gallicinium
Audiui: exspecto lucem: irrequietus diu
Versor lecto, nec dum lucis crepusculum
Adparet! bonus autem mihi servus Sosia,
Atque beatulus hic gnatus audin', commode ut
Sertiant. Mihi autem misero somnus ab oculis
Aufugit: adeo curae cor excruciant mihi.
Quid faciam? Hunc excitabo, lumen ut ferat.
Rationes ineundi tempu' est percommodum.

SCENA SECUNDA

PHILOCLEON, SOSIA.

Ph. Sosia, Sosia ²⁾. *Sos.* Ohe. *Phil.* Sosia, expergisceris,
An non expergisceris? *Sos.* Eho! hui! *Phil.* Quid, malum!
Hiscis! non ades huc? *Sos.* Quis me volt? ne nunc quidem
Fesso licet quiescere! *Phil.* Non surgis hodie?

¹⁾ In conclavi haec secum loquitur.

²⁾ Stans in eodem Sosiam alta voce exasclit et somno, qui hians respondet.

Quid quereris? quid torqueris, ignavissime?
 Mane est jamdudum: et ad opus surgunt opifices.
 Tu vero stertis involutus stragulis?

Sos. Heu, heu! nox est, here, ne hilum luciscit quidem.

Phil. Quin surgis, quin lucernam adcrendis, pessume?
 Vin' hodie in lectulo, tanquam in mortario
 Ossa tibi contundam? *Sos.* Heu, heu miseram mancipi
 Conditionem! en surgam, et lucernam adcreduero.

Phil. Expecto, quid facias. *Sos.* Ne scintillam quidem
 E silice exsculpo. *Phil.* Ast ego flammam ex hocce capite
 Pugnis exsculpam, ni statim huc cum lumine
 Ades. Ut scelestus secum solus murmurat!
 Nemini ego patri plura acerba ex filio,
 Quam mi ex meo gnato evenisse existumo.
 Ego misellus res ut meas componerem,
 Quot in laboribus noctu simul, ac diu
 Non sum versatus? Heu, heu! men' ipse quoties,
 Geniumque meum lubens defraudavi et animum.
 Rei ut consulerem familiari? Nullus est
 Prope dies, quum esuriales ferias meus
 Non perageret venter. Quid meus autem optumus
 Gnatus? Meus autem gnatus, quidquid ego meo
 Malo, et damno compouere potui rei,
 Eo laetificatur et in curribus, et equis.

Sosia, adhuc expecto patiens. *Sos.* Mox, domine, mox.

Phil. Dies non praeterit, ni insinatur aliquid
 Ad currus, vel ad equorum usum. Nunc audio
 Axem periclitari: novo est opus
 Nunc cantho: nunc novellae phalerae sunt upus:
 Lupatos nunc frenos parare concedet:
 Et mea res interea paullatim defluit.
 Hoc mihi ferundum erit? *Sos.* En tibi, mi here, praesto sum.
Phil. Papae!)¹⁾ satis perdiligens, frugi et bonae
 Servus meus. Macte oh! qui ad id usque temporis
 Securus stertis, nihil habens negotii.

¹⁾ Ironice id dicit.

- Sos.* Quota hora est? quid negotii incumbit mihi,
Cum nox est? *Phil.* Non taces, pessume ¹⁾? vigilat herus.
Servus dormit? *Sos.* Quia intemperiae herum teuent,
Somnus servum attritum duris laboribus.
- Phil.* Etiam nunc ²⁾? etiam nunc? etiam? ni modo taces,
Linguam ex gutture tibi praecidam, furcifer.
Lucernam hinc depone, et profer tabulas: lubet
Adepti, expensi inire rationem. *Sos.* Modo?
- Phil.* Modo. Au tibi non commodum est? *Sos.* Percommodum.
At, here, nobis oleum in lucerna deficit:
Misella jam spirat. *Phil.* Cur? *Sos.* Nempe quia sitit.
- Phil.* Quid factum est oleo, quod ego infudi, verbero
Ad saturitatem usque? *Sos.* Ebibit jam ellychnium.
- Phil.* Cur tam crassum, ac bibulum immisisti ellychnium?
Peream, ni te cruci dedam, mastigia,
Familiaris rei tu tempestas, atque barathrum.
Vel sic tamen spirante lychno, caleulos
Inire certum est mihi. Decem ipsi sunt dies,
Viginti cum exegisti nummos aureos.
Estne hoc, quod dico tibi nunc, Sosia? *Sos.* Admodum.
- Phil.* Quid actum est illis? *Sos.* Defluxere extempulo.
- Phil.* Hei mihi ²⁾! perii miser. Tantum pecuniae
Diebus effluxit decem? Dic, pessume?
- Sos.* Hoc scilicet periisti? hoc mihi tu iraseris?
Meum quasi ad solatium pecuniam
Profuderim: quin potius guato, quem sinis
Equis abuti et eurru; qui patrimonium,
Et rem tuam male vortit, et pessumdabit
Jam funditus? En age incipesse calculos.
Novem pro radiis, atque una pro apside novem
Et viginti deuarios: adhuc novus
Canthus, quoniam periclitabatur prior,
Triginta est comparatus nummis. *Phil.* Hui! *Sos.* Magis
Dices hui, cum reliqua accipies. Soleae equis,

¹⁾ Subritus dicit.²⁾ Exterritus plorat.²⁾ Nisi iratus et fere exandescens.

- Lupati freni, auratae phalerae, ephippia.
 Recens ut mos invexit, vix septem aureis
 Transacta cuncta. *Phil.* Heu heu me perditum! *Sos.* Tene
 Reliqua. Viginti in modios hordei aurei
 Decem insunt. Vide, an nunc summa adpareat?
 His porro adde alterum tantum, quod jam modo
 In fabas, foenumque est insumendum. *Phil.* Tace ¹⁾.
 Proh Di immortales! equidem, ubi sim, nescio.
 Superbe ut eat, tantum heu heu! pecuniae?
 Ad saccum ne adiget me luxuries filii?
 Quid agam miser? ²⁾ quid ais *Sosia*? tui peto
 Consilii copiam. Num ferundum illud mihi?
- Sos.* Inops ego consilii quid dicam, nescio.
- Phil.* Die age, si gnatus esset tuus is, quomodo
 Bonam ad frugem reduceres, vel quomodo
 Ab tam impotenti equorum studio averteres?
- Sos.* Oh, si gnatus meus foret, equis jamdiu
 Valedixisset. *Phil.* Quare? *Sos.* Quippe sibi inditus
 Sensisset frenos, atque equinam scuticam.
- Phil.* Non placet id consilii; nam unicus est, admodum
 Gracilis. *Sos.* Sciebam ego. Ejulato igitur lubens.
 Tollunda causa mali, aut ferunda est inopia.
 Elige, quod voveas. *Phil.* Mortuum ego me mavelim.
 His verbis, *Sosia*, me adigis ad suspendium.
 Non tibi quid melius suppetit, uti leniter
 Abducam? *Sos.* Quam daniosa res haec lenitas!
 At at, vide consilium si placet. *Phil.* Quid est?
- Sos.* Tene. Audiavi semper studium philosophiae
 Ad componendos hominum mores plurimum
 Valere; et multos vidi corruptissimos
 Juvenes conversos ad frugem bonam, statim
 Ac ad philosophos audiendos venerint.
 Ecce tuum gnatum in ludum philosophicum
 Non immittis? Nostra heic habet in vicinia

¹⁾ Nimis conturbatus, ac rationibus ex-
 pensu deterritus.

²⁾ Puncto animo a *Sosia* petit con-
 silium

Nicarehus, qui summa per urbem gloria
Claret: frequens illi satis auditorium.
Trade huic juvenem, si forte coeno excusserit.

Phil. Placet consilium; sed timeo, ut persuadeam.

Sos. Ecur? *Phil.* Quia haud facile est clitellam imponere
Bovi, qui collum pridem submitit iugo.

Sos. Si ne id quidem audes, vanas mitte lacrimas,
Conclamatum est. *Phil.* Recte quidem inquis, Sosia ¹⁾.
Mihimet vim faciam, lenitatemque exuam:
Velit, nolit, certum est ad ludum mittere.

Abi nunc intro: cerne, an exsurrexerit
E lectulo: adduc illum ad me. Verum cave,
Quidquam indicaveris. *Sos.* Nil sane ex me audiet ²⁾.

Phil. Pater miserior me nec fiet, nec fuit ³⁾.
Gnatus luxurie se, domumque it perditum:
Ego vero contristare illum non audeo.
Sed perferendum non est amplius: animum
Obfirmabo; si renuet, me alium sentiet.

SCENA TERTIA *

PHILOCLEON, BIELYCLEON, SOSIA.

Bdel. Pater, salve: impera, si quid cupis, nec ero tibi in mora.

Phil. Salve, Dique omnes adjutent te, qui sic patrem colis.
Dic, gnate mi, quomodo te habes? obdormisti noctu bene?

Bdel. Recte quidem, pater, nisi quaedam me agitarunt insomnia.

Phil. Quid somniabas? *Bdel.* Mi videbatur Clinias Megasthenis
Olympico in stadio mecum biga concurrere: ego prior,
Is pone sequebatur: jam jam victor ego metam tetigeram,
Cum equus mihi prae nimio ardore frenum abruptit impotens,
Laxisque habenis metam sic stringit, vitari ut amplius
Non possiet. Ego tum ego tanto versatus in discrimine

¹⁾ Animo parato, et confirmato haec
loquitur.

²⁾ Abi intro.

³⁾ Haec secum loquitur.

* In hac et sequenti scena Plautum secutus Poeta tetrametris imperfectis usus est.

- Pol! exclamans, expergiscor tremiscens nimium, et palpitans.
Sos. Apage. Divi omnen avertant, diu te servent sospitem.
Phil. O gnate mi duleissime, horresco tantum discriminis:
 Adeipio ¹⁾ tamen, agnoscoque Deos, qui te mature admonent.
Bdel. Sunt vana insomnia, pater: nil est, quod paveas. *Phil.* At non sine
 Deorum numine haec fiunt, infaustum et tibi praesagium,
 Ut caveas posthae, fili, in hisce versari periculis.
 Da, quaeso, bone, da hanc gratiam patri: nugis his abstine.
Bdel. Ne paveas, pater: ero cautus. *Phil.* Nunquam mala caventur satis.
 Divum monitis obtempera, et seui morem geras patri:
 Cedo mi dexteram, fili. Per pietatem tuam rogo,
 Veram sectare gloriam. Id videlicet nunc volueram:
 Quod mage Divorum auctoritate confirmor. *Bdel.* Quid nempe vis?
Phil. Omissis nugis, ad ludum te conferas philosophicum.
Bdel. Eho! quidnam est hic ludus philosophicus? *Phil.* Nescin? *Bdel.* Ego
Phil. Est animarum, fili, sapientiorum conciliabulum, (scilicet.
 Ubi de Coelo, de Stellis, de Mundo, Chaoque disputant.
Bdel. Mea quid nunc refert his disputationibus dare
 Aures? *Phil.* Non recte ais, fili: ista ducunt ad sapientiam.
 Numquam me fando audisti, quanta floreat laude philosophi?
Bdel. Id nescio: hoc unum scio, squalidum, morosum hominum genus
 Istud fore, qui nescio quam audent adfectare sapientiam.
 Id vitae non placet genus: nec unquam obtemperavero.
 Nec enim rideri aequales inter patiar, si me istum in gregem
 Compulsum viderint. *Phil.* Non id tuum est, o gnate: rectius
 Eloquere. Non tibi stulti aemulandi aequales sunt tui,
 Sed qui cordatiores. Est Nicarchus heic in proximo,
 Quem multi ingenui, et aequales celebrant adolescentuli;
 Cur non potius hosce imitaberis? hem fac, quaeso, periculum:
 Paulisper experire: facias quod multi frugis bonae,
 Ut animum ad studium adjungas: ibi res, ibi honores, ibi gloria.
Bdel. Qui tibi nunc istae in mentem venit? Non possum, mi pater.
Phil. Cur non? Fac possis. *Bdel.* Quonam possim pacto hunc animum vincere,
 Qui illarum rerum adjuvis est, quales fert adolescentia?
Sos. Atqui alii id aetatis meliora sectantur, Bdeleycleon.

¹⁾ Quasi divinam haec dicit, et leniter precatur filium.

- Phil.* Te nunc hoc progredi pacto credis, vivo patre? Non erit ¹⁾.
Sos. Probe, *Phil.* Ne plura: Nicarchi ad ludum pergas hodie volo ²⁾.
Sos. Papae! *Bdel.* Niquaquam ita fiet ³⁾. *Sos.* Bona jam verba precor ⁴⁾,
 (Bdelycleon
 (Vocem tolle: inerepa vehementius). *Phil.* Non fiet ⁵⁾? Pervicax,
 Vecors, impie juvenis: paterna jussa non reverberis?
 An ergo sic in desidia tu perges porro vivere?
 Atque paternam rem, quae tanta cum industria parta est mea,
 In equis, et curribus conficere? Falleris: tibi nee pater,
 Nee res est amplius: meo e conspectu dispare cito.
Sos. ⁶⁾ Sat commode, mi here: abi nunc intro: permitte mihi caetera.

SCENA QUARTA

Domus

SOSIA, BDELYCLEON.

- Sos.* Quid est, Bdelycleon? cur tam obstinato es animo? Tibi pater
 Optima suadet. *Bdel.* ¹⁾ Tun' deeras, mastigia. Ecce adgredimini
 Ex compacto: quid tibi negoti' mecum est, mancipium nequam?
 Sat sapio: satis in res, quae sint meae, egomet prospicio mihi.
Sos. An id sapere est ²⁾, ut dicta benevolentis respuas malus?
 An me seni potius, adolescenti quam hero obsequi putas?
 Atqui putabam tibi amorem meum fore probatum satis:
 Propterea tibi moeroris omnem maculam volui abstergere.
 Falsus fui. Sed tua plus, quam mea id interest: abeo lubens.
Bdel. Quo abis? *Sos.* Quo herus me volt: nihil mihi tecum est negotii.
Bdel. Ut bellus es homo! *Sos.* Quin bellua potius: idcirco abeo tacens.

¹⁾ Graviore vultu, ac voce haec dicenda.²⁾ Gravi vultu, ac minaci stat senex.³⁾ Obstinato animo se monstrat juven-
 culus.⁴⁾ Sosia blando juvencum hortatur ad
 sequenda patris jussa. Dein secreto
 monet senem, ut increpet acrimis.⁵⁾ Vocem tollit senex, atque iratus
 haec misatur.⁶⁾ Ad senem secreto dicit.⁷⁾ Exandescens in servum dicit.⁸⁾ Sosia retundit seritèr verba ade-
 lescentis; deinde se blande
 insinuat.

- Bdel.* Siste hic. *Sos.* Quid ita? *Bdel.* Quia scire ex te volo, quo pacto abs-
(tergeere
Moerorem mihi parabas. *Sos.* Frustra est, Bdeleyceon, quod flagitas.
- Bdel.* Ecceur? *Sos.* Quippe aequum tibi non est homini nequam fidem dare.
- Bdel.* Id ne cura; dic, quod modo incipiebas dicere. *Sos.* Eloquar;
Sed cave, adhibeas fidem. *Bdel.* Vide, ut me iccides, pessume. Eia age,
Dic, si quid habes. *Sos.* Valde mane ante lucem me excivit pater,
Nimia correptus ira voluit rationes subducere
Adepti, et expensi. Quid facerem? Oportuit in summam dare,
Quae equestrem in rem, tuosque in usus erogavecam miser.
Ipse autem nimio plus queri, tundi, irasci, exardescere:
Mox vero militari in vincla dare, et exhaecedem scribere.
- Bdel.* Quid tu? *Sos.* Quid? mollibus verbis lenire: aetatis impetum
Praetendere, et sacelli mores, necnon exempla aequalium.
Ipse autem semper magis ac magis incendi, et extrema omnia
Minari. Quum hac nil proficerem via, alia ocepi pergere.
Hortatus blandiendo potius, quam avorsando te ad bonam
Reduceret frugem: qui in filios succensent leniter,
Sapiunt magis; tandem impetravi, ut auctorem me fecerit,
Quid consilii capesserem. *Bdel.* Quid tum? *Sos.* Mihi tunc uno in pede
Stanti nil melius succurrit, quam ut tibi mentem Philosophiae
Praeceptis imbueret, atque juvenilem formaret animum.
Consilium placuit. *Bdel.* Macte me occidisti istae sapientiae.
- Sos.* Melius ergo, ut te in caveam daret, et exhaecedem scriberet?
- Bdel.* Egone ut verser quotidie cum difficili et moroso sene?
Qui me severis obtundat verbis vanae sapientiae?
- Sos.* Non tu taces? Ausculta dum, quomodo tibi prospexerim.
Neque ut tibi consulercem, suasi, ut te ad Nicarchum mitteret.
- Bdel.* Quid inde boni? *Sos.* Quod modo nescis, puer, rescibis postmodum.
Non hic Nicarchus macilentus homo, austerus, tristis, sordidus,
Quales audisti ceteros philosophos; sed percommodus,
Ac nitidus, curata bene cute; ad summam Epicuri de grege.
Is non severam virtutem, at voluptatem sectariet
Docet. Ne ista quidem tibi placet doctrina? *Bdel.* Utinam et senex pateat
Nicarchi auditor fiat, si sunt vera, quae narras mihi.
- Sos.* Ita ego sim libec. Ne igitur patrem exasperes: precium
Fac: sine te ad Nicarchum adduci, volensque noxorem illi gere,

Concepta dum deferveat ira: mox argumenta hauries
 Philosophico ex ludo, quibus rudem senem persuadeas,
 Voluptati indulgendum ex ingenio. *Bdel.* Non sperandum id quidem.
Sos. Certe magistri auctoritate timent contutabere.
Bdel. Recte mones. *Sos.* Nunc recte moneo: nuper veluti belluam
 Me abigebas. *Bdel.* Oh! missa haec facias. Quid nunc memoras, mi Sosia,
 Quae in aestu irae sine mente effutuntur? Amorem tu meum
 Noris, egomet tuum. Ne plura: vade nunc intro ad patrem.
 Dic, me sibi morem gerere. *Sos.* Quin potius te ipsum ire adderet.
 Vade: nanum exosculare, veniam pete, deinde illi tua
 Omnia permitte: sic senem delinies, reddes tibi
 Facillimum. *Bdel.* Ut mones, faciam: ad ipsum pergo. *Sos.* Di te juvent¹⁾.

SCENA QUINTA

Domus

SOSIA.

Id vero est servum frangi esse, et domino utilem.
 Opportunis aliquot meis fallaciis
 Hoc difficillimum expedivi iter statim.
 Operamque navavi bonam gnato, et patri.
 Equis abstractus ille opellam philosopho
 Dabit, et me aliquantisper sinet quiescere:
 Senex hic filio, et rei domesticae
 Consultum ducet, aeternis nec iurgüs,
 Querelisque obtundet miserum. Euge, Sosia,
 Prudens uno in saltu binos cepisti apros.

¹⁾ Bdelycleon abiit ad patrem. Sosia solus loquitur laetus.

SCENA SEXTA

Domus

SOSIA, ET PHILOCLEON.

Sos. Sed ecceum herum: ut laetus graditur! Salve, mi here.

Phil. Salve, mi Sosia. Gratias tibi maxumas
Ago, quod fide, prudentia, ac verbis tuis
Fecisti, ut gnatus respisceret, et se patri
Morigerum praeberet. Felix nimis dies!
Lacrimas cobibere non quivi prae gaudio,
Cum gnatus ad me venit facti poenitens,
Mihique se totum tradens. *Sos.* Gaudeo tuis
Gaudis: quod ad me enim, nil est quod gaudeam.

Phil. Quare? *Sos.* Quia nil pro bene facto mihi obtigit.

Phil. Quidum? Nonne modo herus tibi egit gratias?

Sos. Verbis? *Phil.* Verbis. *Sos.* At pro male facto non item
Verbis, addis verbera. *Phil.* Ah ah lepidus es,
Sosia. Nunc hoc agamus, quod mage interest.
Nicarchum convenire opus est, ut filium
In ludum recipiat suum. *Sos.* Recte autumas.

Phil. Tu me praecito, atque ostium pulsa. *Sos.* Ut lubet *).

SCENA SEPTIMA

Via

SOSIA, PHILOCLEON, STRATILAX.

Sos. Elhodum quis has fores servat? nullus aperit?

Emortui omnes sunt, an dormiunt adhuc †)?

Str. St, st, *Sos.* Quid est? *Str.* Tace. *Sos.* Quid taceam? *Str.* Oro, vocem preme.

*) Accedunt ad ostium domus Nicarchi, †) Stratilax apparet silentium im-
ponit. ponit.

- Sos.* Est hic meus herus, qui Nicarchum convenit;
Sine introire. *Str.* Oh apage; ne faxit Deus.
Non licet. *Sos.* Eceur non? *Str.* Quia tempus non est adhuc.
- Sos.* Nescio quid dicat. *Phil.* Sine me. Nicarchus domi est?
An non? *Str.* Est, et non est. *Phil.* Ænigmata loqueris.
- Str.* Ob! tardus es, senex. Corpore quidem domi est,
Animo autem non est. *Phil.* Quidum? *Str.* Quippe nubila
Transeendit, coelum vestigans, et sidera:
Solem palmo metitur, et lunam. *Phil.* Papae!
At quo pacto noris tantum emensum esse iter?
- Str.* Quia solitus est is matutino tempore
Coelum deambulare. *Sos.* Ita prorsus est, here ¹⁾,
Quippe involutus totus pallio sedet,
Quasi egressus calenti sudatorio,
Ut nempe vitet matutina frigora.
- Str.* Quo pacto ipsum vidisti? *Sos.* Hujus mentis acie,
Quo nempe pacto contemplatur sidera.
- Str.* Abscede hinc: in foramen immittis oculos?
- Sos.* Nequaquam immisi, sunt enim suo loco.
- Str.* Atque ego tibi ambos effodiam, si introspicis
Iterum. *Phil.* Sinas me paulisper specularier.
- Str.* Minime, minime inquam: scelus est illud. *Phil.* Quippini?
- Str.* Quippe haud licet aliena pergrutarier.
- Sos.* An coelesti exturbatur ab itinere? *Str.* Tace,
Nequam. *Phil.* Sine me; namque ejus discipulus volo
Fieri. *Str.* Tun' silicernius in ludum denuo?
- Phil.* Ita per Jovem: idcirco ipsum conventum volo.
Ergo sine, me magistrum speculari meum.
Tene ²⁾. *Str.* Oh! quando discipulus ejus discupis
Fieri, huc adcedas pedetentim, ac introspice;
Sed cave, ne tussias, ne crepites, ne expuas,
Ne sternuas. *Sos.* Ne respices, ne palpites.
- Str.* Tace, caput verberem. Nam dum totus est
In meditando, si assultu aliquo eum excusseris,

¹⁾ Sosia per foramen Nicarchum videt, ut facete describit.

²⁾ Nummum porrigit servo.

- Conceptas animo cogitatumculas
 Abortire statim facies. *Phil.* Ne dubita, bone.
 Satis cautus ero: ne respirabo quidem.
- Sos.* An non satius est nasum prius emungere?
 Ne forte in emungendo clangore quatiās,
 Vel deorsum crepites. *Str.* Rurete monet *emungere*.
- Phil.* Ut iubes ¹⁾. *Sos.* Cave, ne fiat abortio.
- Phil.* O quam facetus es hodie; jam nunc tace.
- Sos.* Non addam ultra verbum. *Phil.* Hem ²⁾! parturienti quidem
 Similis est admodum herus tuus. Ventre gravido,
 Ac bene saginatus connitens assidet.
 Die, quaeso, quid negoti illud glomeramen est,
 Quod contra habet, in quo tot volvuntur circuli?
- Str.* Scilicet illa est astronomia: illac ambulans
 Coelum metitur et sidera. *Phil.* Mira aedepol
 Narras. Quid vero alter globus eucurhitae
 Iustar? *Str.* Geographia nempe est, quo terram, et mare
 Graditur. *Phil.* Papae! Ecce nunc exsurgit.... hem salit,
 Ut himulus. *Sos.* Profecto parturit. *Str.* Mane heie:
 Sine, introeam; cum tempus erit, adibo te ³⁾.
- Phil.* Quid hoc negoti est? aqua de tecto infunditur!
- Sos.* Heus tu, heus vide, quid agas: non tu potius caput,
 Et brachia mittis deorsum, stolidi bellua?
- Phil.* Hui! ut putet ⁴⁾! Sosia, prope adcede, olface,
 Vide, quid sit. *Sos.* Proh Jupiter! de matula
 Descendit imber. *Str.* Ah, ah, ah. *Sos.* Irrides furcifer?
 Dispercam, nisi te quisquis es, miseris modis
 Hodie eradicem, hominum propudiosissime.
- Phil.* Nae lutulentum Di fecerunt mihi diem:
 Omen minime placet. Revortamur domum.
- Sos.* Non sic tamen abibit tibi: mox rediero,
 Atque exitabilem ego tibi faciam hunc diem.
- Phil.* Veni mecum. *Sos.* Mox senties, qui vir siem. ⁵⁾

¹⁾ Nasum emungit

²⁾ Oculum mittens apud foramen intro-
 spicit.

³⁾ In pallium Philolectontis matula
 lacum demittit.

⁴⁾ Philolecton olfacit.

⁵⁾ Absent intro, Sosia mittente.

ACTUS SECUNDI

SCENA PRIMA

Domus

NICARCHUS, STRATILAX.

- Nic.* Quomodo tu istuc dixisti, Stratilax, senem
Adprime divitem, qui heic habet in proximo,
Me convenisse nuper, auditor meus
Ut fieret? *Str.* Hoc modo. *Nic.* Quod illi nomen est?
- Str.* Philocleon. *Nic.* Quo pacto tu illum noscitas?
- Str.* Quia is noster vicinus est. *Nic.* Cur non ego?
- Str.* Quia tu saepe in Epicuri intermundis lates.
- Nic.* Quid nunc factum est eo? *Str.* Quis scit? Disparuit.
Adeivi illum, nec inveni. *Nic.* Cur non statim
Duxisti? *Str.* Quod tibi meditantī incommodum,
Et saepe vetuisti, ne quem introducerem
Primo mane. *Nic.* Nec adhuc didicisti, pessume,
Pecuniosum hominem haud teneri legibus?
- Str.* Non equidem didici; at me, cui nil peculii est,
Tuis teneri legibus certe scio;
Secus non toties me misellum tunderes.
- Nic.* Babae! recte arguis. At nunc quid factum est eo?
- Str.* Id juxta tecum nescio. *Nic.* Vapula igitur ¹⁾).
- Str.* Quid vapulem? *Nic.* Quando tua imprudentia
Alduxti divitem senem ab auditorio.

¹⁾ Magistralli ferula servum verberat.

SCENA SECUNDA

Exeunt

STRATILAX, NICARCHUS, PHILOCLEON.

- Str.* Hem crepuit ostium. *Nic.* Accurre, vide, qui siet.
Str. Quis januam pulsat? *Phil.* Adeundi tempus est?
Str. Quem quaeris? *Phil.* Nicarchum. *Str.* Quis es? *Phil.* Philocleon.
Str. Mane heic. Oh, quid mihi dabis nunc praemii,
 Si Philocleontem invenero? *Nic.* Colaphos tibi
 Sexcentos infringam, ni dixeris, ubi is est.
Str. Foris praestolatur. *Nic.* Foris? *Str.* Extra fores.
Nic. Nec introducis eum, stipes stolidissime?
 Peream, ni te in crucem dedo. *Str.* Ne clamita:
 En introducam. Ingredere jam Philocleon:
 Nicarchum adloquere; sed paucis res expedi,
 Ne morosus in aliena perces commoda.
Phil. Etsi nullus moneas, memini officium meum.
 Nicarchum jubeo. *Nic.* Di te bene ament, o senex,
 Quisquis es, unde advenis? vel quid me postulas?
Str. Nonne modo praedixi tibi? *Nic.* Scin', quo modo
 Se res habet? *Str.* Quo? *Nic.* Si non hodie cepero
 Fustem, nunquam tacebis. Sta in tuo gradu:
 Illuc adstato: ne obloquere: ne muttias.
Str. Peream, si verbum addam. *Phil.* Nae graphicum servum habes,
 Nicarche. *Nic.* Quid facias? levi est mente, attamen
 Frugi. Sed ad sermonem redeamus. Quis es?
 Quid quaeris? *Phil.* Philocleon vicinus hic tuus,
 Si fando audisti. *Nic.* Tun' Philocleon? *Phil.* Ipse ego.
Nic. Tun'? o diem auspicatum! sine, te amplectier ¹⁾.
 Parcas, quaeso, si te facie non noveram,
 Utpote qui perpetuis meditationibus

¹⁾ Admirabundus ait, et Philocleontem amplecti studeat.

- Inurgitatus vivo; at cui Philocleon
 Non dictus probus, et sapiens praeis moribus?
 Dic ergo, quid me vis? *Phil.* Volo te pauculis
 Verbis, si non molestum est. *Nic.* Age, roga, jube
 Quaecumque vis. *Phil.* Magnas tibi habeo gratias.
 Hue ergo tu animum advorte, ut recte intellegas,
 Quod ego ad te venio. *Nic.* Totus in hoc sum: age, loquere.
- Phil.* Unicus est mihi gnatus jam grandiusculus;
 Namque ipsi quindecim sunt anni, cum boua
 Uxor mea, qua cum sine querela jam novem
 Et viginti annos vixeram, in lucem dedit
 Festis Megalensibus. Tantum sed gaudium
 Dolor occupavit. Heu! heu! mox puerpera
 Fato funeta est acerbo, meque orbem senem,
 Et desolatam linquens, puerumque orphanum.
- Str.* Advesperascet citius, quam hic sermo explicet ¹⁾.
- Phil.* Hoc ideo enarravi, ut noscas, quam diligam
 Gnatum, quem sine matre miser nutrivì senex.
- Nic.* Teneo. Quid inde? *Phil.* Is bonus, et frugi est filius;
 Nisi quod suorum aequalium adsuetudine
 Equestris cum invasit morbus. *Nic.* Cujusmodi
 Hic morbus siet, ignoro. *Phil.* Oh non intelligis?
 Equos, currus, bigas, stadium usque deperit.
- Nic.* Rem teneo; atque id quidem facit juveniliter.
- Phil.* Ita prorsus. Ast id mordet, quem sumptum facit
 Nimiùm, ut res parta tot meis laboribus
 Brevi defluat, atque ad quaestum redigar senex;
 Meum pectus pulsat simul cum ineptiis
 Totam navare operam, neque adhuc intendere
 Ad virtutem animum. *Nic.* Recte censes, Philocleon.
- Phil.* Idcirco tibi, qui adeo polles sapientiae
 Fama, ipsum quamprimum tradere decreveram,
 Ut pro tua doctrina excoleres sedulo.
- Nic.* Pol! optimum, atque acquissumum a me postulas.
- Phil.* Idcirco nuper ad te oratum veneram;

¹⁾ Inquit secreto.

- At modo foedum omen incepto me absterruit,
Meumque incestat animum. *Nic.* Quid negotii est?
- Phil.* Dicam. Nuper, cum ad te rogatum venerim,
Tu parturiens vagabaris per aethera.
- Nic.* Egon? *Phil.* Tu. Sic mihi tuus narrabat puer.
- Nic.* Hic nempe stipes? *Phil.* Scilicet. *Nic.* Tu nunc taces ¹⁾?
- Phil.* Ego interea opperiebar te patiens foris,
Cum ex improvise imber ab alto foedissimus
Descendit, qui mihi conspurcavit pallium.
- Nic.* Die planius: unde imber? *Phil.* Tuo ex solario.
- Nic.* Cujus odoris erat? *Phil.* Lotii. *Nic.* O foedum nefas!
Dic mihi tu: equis mane recentavit matulam ²⁾?
Non respondes? Fuste hoc faciam, ut respondeas.
- Str.* Nuper tu interminasti, ne quid hiscerem:
Quid hoc? malum! loquor; tacere me jubes;
Tacentem fuste plectis. Heu, hui, hui miser.
- Phil.* Nicarche, caedis insontem et simplicem hominem,
Qui tecum erat, interea dum effusa est matula;
Nec narravi idcirco, ut tu poenas sumeres
De imprudenter facto; at quia omen non placet.
Rogo igitur, ut prius hunc evellas scrupulum.
- Nic.* O quam bonus es vir! credisne Deorum genus
Beatissimu' curare nostras matulas?
- Phil.* Num Divis mortalia curae esse pernegas?
- Nic.* Non equidem nego: sed istaec foetida haud decet
Divos curare, quae casus quidam regit.
- Phil.* Cujus naturae hic est casus? *Nic.* Ehem non licet
Tibi sic philosophiae adire penetralia.
Quictus esto vel meo periculo:
Mitte haec scrutari: imo doceri filium:
Is postmodum tibi explanabit omnia.
- Phil.* Ut vis. Decet sapientiori credere.
Quod igitur faustum, felixque siet, filium
Ad te mox mittam. At quod minerval offeret?

¹⁾ Ad servum Strabillacem.

²⁾ Ad servum Strabillacem, quem postmodum fuste plectit.

- Nic.* Non vili sapientes pretio operam locant;
Mercedem nec pariscuntur, Philocleon:
Quod justum fuerit, quod tibi videbitur,
Dabis. *Phil.* Igitur sine me, novi officium meum.
Id unum te rogo, ut eum crudias sedulo.
- Nic.* Mitte ulterius rogare. *Phil.* Non addam amplius
Verbum: tuae fidei committo filium.
- Nic.* Numquid me vis aliud? *Phil.* Di te bene auvent. *Nic.* Vale ¹⁾.
- Str.* Vale. Oh! tandem abcessit morosus hic senex.

SCENA TERTIA

Domus

BDELYCLEON, SOSIA.

- Bdel.* Sosia, adesdum. *Sos.* Quid me vis? *Bdel.* Dic, ubi est pater?
- Sos.* Nuper conventum abiit Nicarchum, ut te in scholam
Recipiat. *Bdel.* Quando nam istud fiet? *Sos.* Modo. *Bdel.* Modo?
Pol! me occidisti, Sosia. Sed ineptus es,
Si tu autumas hodie me in ludum extrudere.
- Sos.* Egon? nae stultus sim, si mea quid interest.
At non tu modo lubenter assensus patri?
Quid istaec levitas? anne homo est, qui sic suum
Immutet animum? *Bdel.* Assensus licet ingratis
Hortatu patris, et tuo, ut me ad Philosophum
Reciperem; at non hodie id facturum censui.
- Sos.* Nempe ad Kalendas Graecas. Quid, Bdelycleon,
Ista cavillatio est? *Bdel.* Quae festinatio est?
Quid interest, si aliquot differitur in dies?
- Sos.* Non id valde interest; sed patri ut obedias.
Eumque ne irrites rursus, magni interest.
- Bdel.* Ne me ultra obtundas, Sosia; stat sententia:
Aliud curandum est mihi hodie. *Sos.* Fac ut lubet.

¹⁾ Abiit Philocleon.

Sed ecce patrem, qui properat ad nos citus.

Bdel. Heu, heu me perditum! Vide, qui me adjuves.

Sos. Nr temere facias: attende mihi, ut te juvem.

SCENA QUARTA

Domus

PHILOCLEON, SOSIA, BDELYCLEON.

Phil. Salve, fili: transacta jam sunt omnia
Cum philosopho Nicarcho. Te manet domi:
Comis homo est, blandus, facilis, et percommodus:
Doctus praeterea, et sapiens ad miraculum.
Ne mora igitur, fili, felici cum omine
Ad ipsum te confec: doctus, prudens redi.
Nil respondes? caperat frons aegritudine?
Quid hoc negotii est? *Bdel.* Ehem tam cito, pater?
In alium non potest id differri diem?

Phil. Quod licet hodie, cur differas in crastinum?

Bdel. Non commodum satis hodie: caput dolet.

Phil. Rem teno, cur caput doleat. Proinde tu
Sic habebas: vel statim te in ludum conferas;
Vel patrem renseas te nec habere amplius.
Hoc denique intellexit? an non dum hoc quidem?

Sos. Here, ne irascaris modo, neve aliorum accipe,
Atque hic putat. Namque haesitat juvenculus
Jugo insuetus collum cito submittere;
Idcirco tergiversatur aliquantulum.
Sed ne dubites: obtemperabit sedulo.

Phil. Utinam istue verbum ex animo, et vere diceres.
Sosia! non viden', ut obmutescit pertinax?

Sos. Is pudor est patris. Adfirmat autem, qui tacet.
Vin', Bdelycleon? geresne morem tu patri?

Bdel. Semper paternis servitutum servii
Imperiis. *Sos.* Nec posthac igitur eris in mora?

- Bdel.* Ita prorsus. *Sos.* Osculare ergo manum patri,
Atque ad praeceptorem pergamus. Nonne vis,
Ipsam deducam ad Nicarchum? *Phil.* Nempe id volo.
Sos. Factum puta. *Phil.* Nicarcho dic, ut sedulo
illum excolat. *Sos.* Hoc memini: numquid aliud? *Phil.* Redi huc
Quanto citius. Tuque memento officium tuum ¹⁾.

SCENA QUINTA

Domus

BDELYCLEON, SOSIA.

- Bdel.* Vide, cujus sum fretus auxilio. Tibi
Vel magnas habeo gratias, qui funditus
Me perdidisti. Nunc mihi nil restat aliud,
Nisi ut peregre domo abscedam; nam si putas
Me in ludo includere, toto coelo falleris.
Sos. Quae te hodie dementia cepit, Bdelycleon?
Bdel. Tu deuens, stultus, iners, nullius consili.
Sos. Atque haec libenter patior, qui a puero te amem.
Unum aegre fero, quod benevolentis repudies
Monita: sed dic mihi, cur tantopere abhorreas
Ludo, qui nuper illuc ire adsenseras?
Ut te mea adjutem opera, quantum in me situm est.
Bdel. Dicam, quantumvis, ut me adjutes, vix putem.
Nuper, cum abesses, me convenit Clinias,
Qui me in certamen provocavit publicum
Equorum. Quid facerem? *Sos.* Curis domesticis
Detentum diceres. *Bdel.* Nempe, ut ludibrium
Cunctis deberem, qui certamen frivolis
De causis detrectarem, et urbis fabula
Fierem? *Sos.* Ad summam ergo in certamen descendere
Spondidisti? *Bdel.* Ita prorsus. *Sos.* Et in praesentem diem?

¹⁾ Ad Bdelycleontem filium.

- Bdel.* Scilicet. *Sos.* Invenitundum igitur aliquid est mihi,
Qui te hoc malo expediam. *Bdel.* Qui me expedias, rogo,
Quem tu consiliis impeditum sic vides?
- Sos.* Spero equidem. *Bdel.* Neque ut modo fecisti. *Sos.* Inno melius.
- Bdel.* Te per Deos, nostramque amicitiam rogo,
Si lauti es, ne me destituas, modo opem feras.
- Sos.* Etsi minus deberem ingrato ferre opem;
Tui tamen me miseret. Vade, quo cupis;
Tantum cave, ne patri occurras: reliqua
Ego adeurabo. *Bdel.* Quid facies, ne se pater
Delusum sentiat? *Sos.* Alium ornatu tuo,
Tuoque sub nomine juvenem deduxero
Ad Nicarchum, qui te non novit. *Bdel.* Optume.
Homo es. *Sos.* Stultus, iners, et nullius consili.
- Bdel.* Missa istaec jam facias, *Sosia*, magnus vir es,
Fateor. Nunc id agas, oro: me totum tibi
Committo. *Sos.* Abito, quo cupis, et cave, pater
Te videat. *Bdel.* Occultare me sat novero.
- Sos.* Heu quam miserum est duobus servire dominis!

SCENA SEXTA

Schola

NICARCHUS CUM DISCIPULIS.

- Nic.* Favete linguis, discipuli, et advortite
Totam mihi mentem dictanti, verbaque
Nec somnolenter excipite. E penetrabilibus
Enim sapientiae, quo unus pervenit olim
Epicurus, maximo sunt deprompta studio.
Haec vos reddent felicitatis compotes.
Siquidem universam hujus mundi adspectabilis
Compagem non minus aliqua olim, non artufex
Manu coagmentavit solertissima;
Sed fortuito, concurrentibus atomis,
In hanc formam excrevit, quam hodie nos cernimus

(Nec dum quiescitis? facite silentium);
Hinc est, ut nec prudenti quis regat manu,
Sed sponte sua singula ferantur corpora;
Et caeco quodam instinctu. Ergo sine numine.

Disc. At at, Magister, non ego belle intellego,
Instinctus caecus hujusemodi quid siet.
Instinctus si est, aliquis profecto instinxerit
Oportet. *Nic.* Hem! nos instinctum bene dicimus
Motum illum, quo primae cientur et atomi.

Disc. Quis motum illum impressit? *Nic.* Nemo. Namque insitum est.

Disc. Quis inseruit? *Nic.* Natura... Quae petulantia.

Disc. Quenam haec natura? Numen, an quiddid aliud?

Nic. Ohe sat puer interrogatunculis
Tuis ineptis nos necasti: jam tace.

Disc. An non interrogem, quae minus intellego?

Nic. Quia bardus es tu, ideo non intellegis,
Quae Epicurus intellexit, et Democritus.

Disc. Scilicet: haec magna me persuadent nomina.

SCENA SEPTIMA

SOSIA ¹⁾, STRATILAX, CHARINUS, NICARCHUS.

Sos. Licetne Magistrum interpellare paucillum?

Str. Minime, minime licet, dum seriis vacat.

Nic. Quid ais tu? *Str.* Importunus homo interpellans venit.

Nic. Quis est? *Sos.* Philocleontis servus Sosia.

Nic. Quid cupis? adcede huc; sed perpaucis te expedi.

Sos. Tribus verbis. Tibi salutem plurimam
Hic dicit Philocleon, et simul suum,
Quem conspicias, Bdelycleontem filium
Ex condito remittit ad te, ut pro tua
Belle instituas sapientia, et prudentia,
Fideliter, atque sedulo; namque unicum
Tibi tradit gnatum, in quo spem repositam habet

¹⁾ Sosia cum juvenculo quodam Charino Bdelycleontis nomine ad Nicarchum se confert. Juvenculus ne verbum quidem dicit; Sosia pro eo respondet.

Omnem senectutis. Majorem ergo in modum
Tuae commendat fidei, eumque, ut alterum
Gnatum colas, atque amplectaris, obsecrat.

Str. Plus quam trecentum effudit pro verbis tribus ¹⁾.

Nic. Non tu taces ²⁾? fidelis servus, et catus

Est, qui sic domini procuret negotia.

Die mihi Bdelycleon ³⁾, quot annos natus es?

Sos. Vix quintodecimum excessit aetatis suae.

Nic. Numne cupis doctus vir, beatusque fieri?

Sos. Ita: id sane unum flagitat, avet, deperit.

Str. Per procuratorem etiam loquitur pupulus ⁴⁾.

Nic. Cur non respondes? *Sos.* Parcendum adolescentulo

Tyroni, si tui ob verecundiam silet.

Ingenui pudor est. Ceterum mentis acie

Pollet quamplurimum. *Str.* Oh fronte ex ipsa patet.

Simulacrum hominis videtur nil potius, quam homo.

Nic. Mihi igitur, puer, animum advorte, et mentis aciem.

Siquidem sciendi ardor te invasit plurimus,

Bono sis animo: via patet facillima.

Ducem me deinceps, imo alterum habebis patrem,

Qui te rursus edat in lucem pulcherrimam.

Hodie tu nasceris. *Str.* Nunc demum intellego.

Idecirco non is loquitur, quippe infantulus:

Nunc adeuranda pupulo ineunabula.

Disc. Ah ah ah ah. *Nic.* Quid istuc est, pueri? ridendi nunc locus,
Tempusque est? quae vobis risus occasio?

Disc. Nos Stratilax suis ciet facetiis.

Nic. Ain' verbero ⁵⁾? facetiis heic est locus?

Str. Facetiis minime: sed divi serio:

Nutricem comparandam huic infantulo.

Nic. Atque ego tam maculosum eorum reddam tibi,

Quantum est nutricis pallium, mastigia ⁶⁾.

Str. Hui, hui! hui! nimium est: heu pereō. *Nic.* Jam vapula.

Sos. Nae athleticus ludus hic est, non philosophicus.

¹⁾ Ita sit impatiens tot verborum.

²⁾ Ad servum suum.

³⁾ Ad juvenem adductum a Sosia.

⁴⁾ Apud se.

⁵⁾ Ad Stratilaxem subitatus.

⁶⁾ Servum fuste petiti.

ACTUS TERTIUS

SCENA PRIMA

Via

PHILOCLEON, STRATILAX.

- Phil.* Nec dum comparet Sosia, nimis jamdiu est,
Cum ad Nicarchum nisi deductum filium.
Quam vereor, ne bonus ille meus gnatus novi
Aliquid tentaverit, ne in ludum pergeret.
Quid sto? Nicarchum adiho, ut factum noscitem.
At at, ni fallor, ille est servus Stratilax,
Qui se in viam dat. Heus tu, heus, o Stratilax.
Str. Quis me volt ¹⁾? *Phil.* Respice huc. *Str.* Respice? non id meum est.
Dic, ut te sors respiciat. *Phil.* Advorte huc, rogo.
Str. Advorte? nequaquam; nam recta ut pergerem
Herus jussit. *Phil.* Ne dubita; parcet namque herus,
Cum mihi dedisse operam audiet. *Str.* Non audiet,
Sed audiam. Num mihi tu exentes verbera?
Phil. Quid si nummum duim? *Str.* Hocce pacto te audiam,
Respiciam, advortam, faciam, quidquid imperas;
Docuit nam dominus non teneri legibus
Opulentos homines. Hem! tun' es Philocleon?
Phil. Ego ipse... accipe ²⁾. *Str.* Hui! quam minutus nummulus!
Quid me vis? *Phil.* Paucis te volo. *Str.* Oh! credibile non
Est id. *Phil.* Cur non? *Str.* Quia tu paucis nescis loqui.
Phil. Eja age, ludicra nunc mitte, Stratilax, rogo.

¹⁾ Stans facie adversa, qua pluries respondet.

²⁾ Nummum porrigit.

- Die mihi: venit ne modo ad Niearchum Sosia?
- Str.* Ita prorsus. *Phil.* Adduxit ne secum filium?
- Str.* Cujus ne filium? *Phil.* Meum. *Str.* Oh tibi gratulor,
Quod tantum filium domi habebas conditum
Pro thesauro. Ideirco non videram amplius.
- Phil.* Venit igitur? *Str.* Venit. *Phil.* Quidnam dixit, rogo.
- Str.* Quid diceret, si infans adhuc est? *Phil.* Quomodo
Infans? nonne is justa statura, et pubes est?
- Str.* Etiam. Sed qui non fatur, est infantulus.
- Phil.* Quo pacto hoc dicis? *Str.* Hoc pacto: ne syllabam
Quidem edidit. *Phil.* Mirum certe narras. *Str.* Mihi
Quoque fuit mirum; sed mirari destitit,
Cum novi in lucem hodie datum. *Phil.* In malam cruceam
Tuis cum ineptiis. *Str.* Ita amet me Jupiter,
Ut vera praedico. Magistrum interroga,
Ni credis. *Phil.* Abi, quo abis: non amplius moror.
- Str.* Vale ¹⁾. Ut lepidus est! stipitem pro filio
In ludum misit: nunc a me expiscarier
Volebat, num fraudem cognoverim suam.
- Phil.* Quid iste obganniat, nescio. Sed id mea
Nil interest. Modo gnatus ludum iniverit,
Multo omnium nunc me fortunatissimum
Factum puto; nam sic coepit respicere ²⁾.

SCENA SECUNDA

Via

CLITIPHO, SOSIA.

- Clit.* Hicce locis dictus est habere Philocleon
Vetulus hospes meus. Nemo est, ut scisciter.
En apparet homo, qui rectam huc habet viam.

¹⁾ Sæpentiæ verba apud se dicit, ita ut senex non belle intelligat.²⁾ Ambo discedunt.

- Siste parum, sodes. *Sos.* Quin adde gradum dicito.
Clit. Mane dum, quaeso, ut unum tantum interrogem.
Sos. Potin' me adire, quo profectus sum, sinas?
Clit. Quae tanta festinatio est? sic advenam
 Hominem repellis? *Sos.* Oh! molestus tu vir es.
Clit. Quis tibi metus, si horae momento restitas?
Sos. Ingens, pol, exoritur metus scapulis meis.
 Jamdudum factum est, cum domo exivi, atque herus
 Me manet impatiens. *Clit.* Atqui mercedem dabo,
 Tantum si monstres mihi, ubi habet Philocleon.
Sos. Philocleon? *Clit.* Nempe! *Sos.* Poliphontis filius?
Clit. Is nempe. *Sos.* Ipsum tu quaeritas? *Clit.* Ipsissimum.
Sos. Quid quaeris? *Clit.* Nil periculi nunc est in mora?
 Hospes vetus est meus: volo ipsum visere.
Sos. Oh quando id est, Philocleontem statim dabo.
 Herus is meus est. Sed unum te oro (quod tibi
 Est nomen?) *Clit.* Clitipho. *Sos.* Unum te oro, Clitipho,
 Ut si nimiam ob moram increpuerit me senex,
 Te in cursu me detinuisse invitum adseras.
Clit. U't callidus homo es! *Sos.* Annon properabam citus?
 An non scitando detinuiisti? *Clit.* Age, ut lubet.

SCENA TERTIA

Via

PHILOCLEON, SOSIA, CLITIPHO.

- Phil.* Equis fores pulsat? *Sos.* Sosia tuus sum, here.
 Redis tandem pessume? quid adcurasti adhuc?
Sos. Aliquantisper quidem cunctatus sum; at vide,
 Quisnam morae auctor fuerit, quem ad te perfero.
Phil. Quis est? *Clit.* Non me noris? *Phil.* Non mihi nova facies
 Sodes: incertus at haereo: fallit memoria
 Senem: ignosce, precor. *Clit.* Clitiphonem Antisthenis
 Non agnoscis? *Phil.* Hem! ipse es! recorder nunc probe:

- Salve, caput dulcissimum, optumi viri
Germeni. *Clit.* Te omnes Dii juvent, Philocleon.
- Phil.* Reliqui Athenis te juveniculum, decem,
Ni fallor, anni sunt: pugil nunc factus es.
Quare parcas, si primo non agnoverim.
- Clit.* Non est, quod te purges: novi mores tuos.
- Phil.* Quae te fors fortuna huc advenit denique?
Unde advenis? sed jam domum bono omine
Ingredere, ut fabulemur. O niveam diem!
- Sos.* Dii te, hospes, juvent: opportunissimus ¹⁾
Advenisti, hodie erepturus mihi verbera.

SCENA QUARTA

Via

STRATILAX, SOSIA.

- Str.* Quid ais Sosia? Tibi vehementer gratulor.
- Sos.* Qua de re? An quia quotidie tuus herus parit,
Et tibi strena obtingit? *Str.* Quin potius gratulor
Egomet tibi, quod effeta in senecta herus
Tuus tam grandem filium enixus siet,
Quem ipso die nativitatis miserit
Ad ludum litterarium: prae gaudio
Opus est, ut bubuli in te cottahi crepent,
Tuumque tergus. Gestit proinde animus mihi.
- Sos.* Nou belle intellego, quid dicas. *Str.* Postmodum
Intelliges, cum res in lurem venerit.
- Sos.* Me perditum! hic meam olfecit fallaciam ²⁾;
Proinde mox totam enodabit fabulam.
- Str.* Quid tecum murmuras? *Sos.* Nihil: age rem tuam ²⁾.

¹⁾ Haec Sosia² apud se. Ea Domos domum ingrediuntur; Sosiam autem sic interpellat Stratilax.

²⁾ Haec apud se Sosia.
²⁾ Stratilax abiit.

Hercle actum est de me, si id senex resciverit.
 Vide, in quas trias sponte me coniecerim:
 Sed manibus pedibusque adiutendum, ut iue explicem.

SCENA QUINTA

Domus

CLITIPHO, PHILOCLEON, MOX SOSIA.

- Clit.* Parvi quidem lucelli occasio fuit
 Itineris; sed tui visendi cupiditas
 In primis impulit, ut prisca hospitalitas
 Nos inter firmaretur denuo, et quasi
 Revisceret. *Phil.* Obstrictus valde sum tibi
 Hac de voluntate tua erga me, Clitipho.
Clit. Age vero de rebus tuis, Philocleon,
 Aliquid audire cupio, in primis de tuo
 Gnato, quem nosse gestio. Grandiusculus,
 Puto, jam factus est. Ut is valet? ut sapit?
 Paternos ut mores, et virtutem refert?
Phil. Belle is quidem valet, mi Clitipho, grandis est;
 Parum sed adhuc sapit: fortasse postmodum
 Magis sapiet. *Clit.* Quidum. *Phil.* Quippe juveniliter
 Luxuriatur equis, et curru; domestica
 Nec res illi quidquam curae est. *Clit.* Id non placet.
 Quin illum corrigis, cum adhuc tenellus est?
Phil. Quid censes? ego monendo illum quotidie
 Defessus sum; illuc tandem deveni, ut hodie
 In ludum litterarium ire coeperit.
Sos. Ausculto ¹⁾, quos secum sermones misceant.
Clit. Probe factum, etsi serius, quam oportuit:
 Mature enim inserendus felix surculus.
 Sat, puto, providisti, cui committeres
 Gnatum magistro. *Phil.* Item! docto in primis, et probo.

¹⁾ Sosia prope scenam audit sermonem, quin a loquentibus videtur.

- Clit.* Gaudeo. Verum, quaeso, quam sectam iste sequitur?
Phil. Quam sectam! an in sectas scinduntur philosophi?
Clit. Quod caput est, ignoras, Philocleon? scilicet
 In primis erat investigandum. Dic, rogo,
 Quod nomen huic doctori est? *Phil.* Nicarchum vocant.
Clit. Nicarchum! Et unde gentium est? *Phil.* Id nescio.
Clit. Civisne, an hospes? *Phil.* Hospes, puto: civis quidem
 Non est. *Clit.* Qua facie, quoque corporis habitu?
Phil. Procerus, ventriosus, et nigra coma.
Clit. Ipse est. O praeclarum magistrum! cui tuum
 Commisisti gnatum. Is ne doctus, et probus
 Vir est? *Phil.* Falsus ne fui? Dic, quaeso, Clitipho.
Clit. Ab, nisi caves, quid gnato conficies mali!
 Idque adeo nairor, quomodo in mentem tibi
 Tam ineptum consilium venire potuerit?
Phil. Id improbus servus persuasit Sosia.
Sos. In me cudit fabam: ast teneo auribus lupum¹⁾.
Clit. In culpa es tu, qui imprudens res huiusmodi
 Permittis servo. Fortasse is fide bona,
 Et sine dolo talem doctorem nactus est.
 Quid facies, si se non novisse dixerit,
 Cujus sit ille furfuris? *Sos.* Probe; at scio
 Ego, quid dicam. *Phil.* Praesagibat animus malum.
 Verum dic age, quaeso, quis hicce homo siet?
Clit. Scelestus nebulo, perditisque moribus,
 Athenis ejectus patrata ob crimina.
 Is nunc, postquam paterna bona abliguriit,
 Extorris patria, circulator callidus
 Evasit, philosophico protectus pallio.
Phil. Papae! *Clit.* Vide ergo, cui gnatum commiseris:
 Quam praeclarum, et probum magistrum elegeris.
Phil. Erratum fateor: nunc abducendus statim
 Ab hac pernicie gnatus. *Clit.* Optume id quidem:
 Sed festina lente. Sine, agnoscam prius
 Hominem, an vere ipse sit, quem descripsi tibi;

¹⁾ Ita Sotias apud se.

Ne forte fallamur nomine. *Phil.* Faciam, ut jubes.

Clit. Adduc me ad illum, quasi visurus filium,

Quo pacto se gerat: curabo relliqua.

Phil. Recte autumas. Iteus Sosia. *Sos.* Praesto tibi sum, here:
Quid me jubes? *Phil.* Ego ad Nicarchum hoc cum hospite
Pergo, ut videam, gnatus quid agat: tu januam
Occlude, atque illuc adsequere. *Sos.* Factum puta.

SCENA SEXTA

SOSIA, BDELYCLEON.

Sos. Bdelycleon egredere: pater foras abiit.

Bdel. Quid est, mi Sosia? *Sos.* Quam incoeptavi fabulam,
Iam solvitur. Pater cum Clitiphone hospite
Ad Nicarchum pergit, visurus, quid geras:
Ibi pro te Charinum inveniet. *Bdel.* Hei mihi!
Quid agis? quid cogitas? *Sos.* Ne paveas, jam dolus
In promptu est, quo ambos nos tuear. Tantummodo
Mecum veni, cumque in conspectum te patris
Vocavero, confidenter adpare illico,
Omnemque in me causam rejice, cur in scholam
Minus veneris: attende meis sermonibus,
Atque obsecunda. *Bdel.* Dic, quaeso, rem planius.

Sos. Per tempus non licet: oportet patrem adsequar.

Mibi morem geras, et salva res erit.

Bdel. Quod vis, faciam: verum cave..... *Sos.* Ne palpita.

SCENA SEPTIMA

Schola

NICARCHUS CUM DISCIPULIS, STRATHLAX, MOZ PHILOCLEON, CLITIPHO,

SOSIA, ET BDELYCLEON.

Nic. Jam est tempus, discipuli, dictata reddere,
Quae didicistis. Quicumque a commentario

- Hilum abscedet, et unam peccabit syllabam,
Nequaquam poterit triste vitare ferulam:
Age nunc, extolle vocem, recita, Pamphile.
- Pam.* Heu me! quid dicam, nescio ¹⁾. Quaeso, ne adjuva.
- Nic.* Non incipissis adhuc? quid iactas brachia?
Contrahe sis, petulans, immodeste pusio.
- Pam.* En contraho: ecce incipisso: ne elamita.
Siquidem... universam... hujas... Mundi... adspectabilis
Compagem... non meus aliqua... uon Deus...
- Dis.* Crequit eecum, magister, ostium. *Nic.* Stipes ²⁾, vide
Quis est, Non pergis? *Pam.* Non meus... aliqua... non deus...
- Str.* Ingreditor. *Nic.* Equis homo est? *Str.* Dives Philocleon,
Et exlex. *Pam.* Hem! sic me servavit Jupiter.
- Phil.* Reviso te, Nicarche, nostro cum hospite
Clitiphone, qui nuper venit Athenis. *Clit.* Is est.
- Nic.* Salve, Philocleon, tuque hospes, quicumque sis.
- Clit.* Non me noris, Nicarche? *Nic.* Non ego quidem.
- Clit.* Clitiphonem Antisthenis gnatum non noscitas?
- Nic.* Hem! meminisse videor. *Clit.* Gaudeo te philosophum
Repente factum. *Nic.* Quidni? .Eas sapientiae
Condimentum est. *Clit.* Teneo. *Nic.* Quid ais Philocleon?
Quid me vis? *Phil.* Ubinam filius Bdelycleon?
- Nic.* Non cernis filium? nec tu adcedis patri?
- Str.* (Ah ³⁾), ah, ah. Nunc lepida incipissit fabula.
Manumque deoscularis? *Phil.* Ubinam est? neutiquam
Video. *Nic.* Non viden? O lepidus es ⁴⁾. Non filius
Hic. Non hirce pater? *Phil.* Sic me ludis, pessume?
An ego gnatum non uorim? *Nic.* Te nosse arbitror:
Sit, nec ne, ignoro, nec moror. Id uuum scio,
Hunc venisse a te Bdelycleontis nomine.
- Phil.* A me? quis adtulit? *Nic.* Tau' servus Sosia.
- Phil.* Ehem! advoca illum, Stratilax: foris adest.
- Str.* Statim. Sosia, Sosia, ades dum: pro filio

¹⁾ Pamphilus surgh recitaturus, sed
socium regat, ut adjuvet. Interva
quam hic vocem suggerit, hic po-
lum recitat.

²⁾ Ad Stratilacem.

³⁾ Apud se Stratilax.

⁴⁾ Charinum indigitat

- Nuper nato nunc strenue adicipies affatim.
- Sos.* Maligna tu fraudaberis spe, Stratilax:
Ne gaudeas. Adsum: quid me jubes, here?
- Phil.* Dic, bone vir, is nempe est, quem adduxisti filium
In ludum? *Sos.* Is nempe est: hunc tuo pro filio
Huc adduxi. *Phil.* Quomodo tantum ausus es nefas?
- Sos.* Ne irascere: ausulta rationeui consili.
Posthac, nisi probaris, modis me pessumis
Excrucies, ac perdas: poenas lubens dabo.
- Phil.* Expecto patiens, qualem incoeptas fabulam.
- Str.* (Jamdudum coepta est). *Phil.* Sed verba dare ne autumes.
- Nic.* Age sis, edissere. *Clit.* O lepidam comoediam!
- Sos.* Mane ut mandaveras, ducebam filium
Huc ad Nicarchum; cum nobis sit obviam
Vir quidam amicus, quem tacere nunc juvat:
Et, quo, ait, Sosia, cum Bdelycleonte pergitis?
Ad Nicarchi, inquam, ludum litterarium
Hunc ducio juvenem, pectus ut sapientia
Informet. Nicarchus ne, ait, sapientia
Ut informet, vel moribus spurcissimis?
Quis mandavit? Pater. Quis auctor consili?
Ego, inquam, fateor. Maete, ait, scin', qui siet
Homo iste? (da veniam, Nicarche) pessumus
Falsator, juvenum corruptor, qui judicium
Suffragio Athenis olim ejectus adpulit
Huc alite mala, ubi Philosophum se venditans
Epicuri dogmatis juventutem inluit,
Provida de medio tollens divum numina.
- Nic.* Tun' ista me coram loqui audes, furcifer?
- Sos.* Non ego quidem; at relata narro. *Clit.* Nunc sine,
Illic sermonem claudat: mox ista videbimus.
- Phil.* Quid tum? *Sos.* Tum mihi succurrit omen pestilens,
Ac foedum, quod te ipso in limine deterruit,
Cum totum te coquinaarit lotium.
- Phil.* Ni mens laeva foret, Di malum portenderant.
- Sos.* Tum veru horrescens haesi incertus, quid agerem.
Num jussa perficiens crearem filio

- Malum, atque stulti consilii fierem reus?
- Phil.* Mihi rem totam narrares. *Sos.* At non tu dolum Belle confietum dueres, ut filio Obsequer, atque astu invisa eximerem schola? Quam suspiciosus esses, novi. Denique Si quid peceaverim, certe non malitia Est peccatum, sed imprudentia, mi here. Sati us ad summam duxi, huc alium adducere Ficto nomine; tantisper dum patesceret Res melius. *Phil.* Interea quid factum est filio?
- Sos.* Domi conclusus mansit. Nunc vero foris Adest meo suasu, ne suspicio tibi Inessat. *Phil.* Iluc arcesse (Ubi sim nescio).
- Sos.* Bdelycleon, te volt pater (ne fluctua ¹⁾).
- Bdel.* Adsum, pater. *Phil.* Cur occultabas te foris?
- Bdel.* Non equidem latebros me occultavi tuo E conspectu; sed ut paterna capesserem Jussa heie adstabam. *Phil.* An sic jussa capessis mea, Qui in ludum ire recusaveris? *Bdel.* Minime, pater, Recusavi; protinus imo ibam. At Sosia Auctor fuit, ut domi potius quiescerem Tantisper, dum rem cautius perpenderes.
- Nic.* Ohe ²⁾! ferendum ne amplius, ut tute sedens Heie pro tribunali? Ilinc omnes facessite.
- Phil.* Ferendum ne ³⁾, ut tutemet, homo ignaviasse, Versatus in popinis, atque ganeis, Magistrali jam nunc decorus pallio, Atque Epieuri erepans virosa dogmata, Juventutem corrumpas? *Nic.* Tun', stolidissime, His male consultis fabulis adhibes fidem; Nec sentis, ut tibi sursum vorsum os sublinunt Offucis nequam mancipium, et pervicax Gnatus? *Clit.* Sati us, Nicarche, est, ut sileas modo.

¹⁾ Ad Bdelycleontem.

²⁾ Nicarchus tantis excandescens injuriis hanc ait.

³⁾ Philocleon eadem gravitate, atque voce exprobrat.